



**Diepsloot
kry nuwe
polisie-
kantoor**

Bladsy 7



**R7 miljard
vir nuwe
hawe
toegeken**

Bladsy 11

**WERK
BINNE**

Laat jou stem hoor

Ongezwa Manyathi

Suid-Afrikaners wat in aanmerking kom om te stem sal weereens 'n geleentheid kry om hul demokratiese reg uit te oefen deur hul kruisies by die stembus te trek in die komende 2016-plaaslikeregeringsverkiezing.

Deur te stem kan Suid-Afrikaners die land se demokrasie versterk, maar ook aktiewe burgers raak deur leiers van hul keuse te kies wat sal help om hul lewensgehalte te verbeter.

Die allerbelangrike kruisie op die stembrief help om wyksraadslede verantwoordbaar te hou en verseker dat munisipaliteite teruggaan na die basiese beginsels en dienste lower.

Om te verseker dat ons land se demokrasie sterk bly, moet Suid-Afrikaners aan die 2016-plaaslikeregeringsverkiezing deelneem.

Die geleentheid om te stem beteken dat Suid-Afrikaners hul stemme laat hoor. Dit sal egter nie moontlik wees as mense nie verseker dat hul name op die kieserslys verskyn voor dit sluit nie.

Stemgeregtigdes hoef net een keer te registreer tensy hulle onlangs verhuis het of hul kiesafdeling se grense verander het. Dit is belangrik omdat baie Suid-Afrikaners nie daarvan bewus is dat hul wyke onlangs verander het nie.

In sy staatsrede het president Jacob Zuma 'n beroep op alle Suid-Afrikaanse kiesers gedoen om vir die verkiesing te registreer.

"Ek doen 'n beroep op alle kwalifiserende burgers om by hul stemdistrikte en -lokale te gaan registreer of hul inligting by te werk, sodat hulle gereed is vir hierdie belangrike demokratiese proses," het hy gesê.

Honderde duisende Suid-Afrikaners het tydens die eerste naweek van registrasie in Maart hieraan gehoor gegee. Die OVK het nou aangekondig dat die laaste registrasienaweek van 9 tot 10 April 2016 gehou sal word.

Meer as driemiljoen Suid-Afrikaners het hul plaaslike stemlokale besoek om te registreer, herregistreer of hul besonderhede by te werk. Die voorsitter van die Verkiesingskommissie, mnr Glen Mashinini, sê die getal kiesers wat stemlokale besoek het, was meer as dubbel as wat gedurende die eerste registrasienaweek vir die 2011 munisipale verkiesings opgedaag het.

Dit kom neer op 'n 23%-styging in registrasie vergeleke met die eerste registrasienaweek vir die 2014 nasionale en provinsiale verkiesings.

"Dit is uiters bemoedigend vir die komende

> **Vervolg op bl. 2**

**Plaaslike
regering is
in jou
hande!**



**Registreer
om te stem!**
9 - 10 April 2016



REPUBLIC OF SOUTH AFRICA

PLAASLIKE REGERING

Behuisingsprojek deur vroue bou behoorlike huise

Rirhandzu Nkombyani

Inwoners van die Mogalakwena munisipaliteit sal binnekort by behoorlike huise baat. Nagenoeg 60 gesinne van die Ga-Hlako- en Tauetsoala-nedersettings in die Mogalakwena-munisipaliteit, wat onder die Waterberg-distriksmunisipaliteit val, gaan baat vind by die Nasionale Departement van Menslike Nedersettings se jaarlikse Vroue Bou-veldtog.

Die Vroue Bou-veldtog is 'n Letsema-projek wat daarop gemik is om huise vir kwesbare groepe te bou, naamlik bejaardes, vroue, mense met gestremdhede en kinders.

Dit is 'n vennootskapprojek van die Departement van Menslike Nedersettings, Suid-Afrikaanse Vroue in Konstruksie en belanghebbendes, en vind jaarliks in een of meer provinsies plaas om Vrouemaand te herdenk.

Die Vroue Bou-veldtog is in 2006 van stapel gestuur en het sedert sy ontstaan nagenoeg 500 behuisingseenhede oor die hele land gebou.

Tydens die sooispitseremonie op Tauetsoala het die adjunkminister van Menslike Nedersettings, Zou Kota-Fredericks, gesê die projek is 'n bewys dat die Regering op al drie sferes, vasbeslote is om behoorlike skuieling aan Suid-Afrikaners te bied.

“Daarbenewens is daar sigbare vennootskappe tussen die Regering, die private sektor en gewone burgers wat baie moeite en tyd afgestaan het om 'n sukses van die projek te maak,” sê adjunkminister Kota-Fredericks.

Kota-Fredericks sê voorts hulle is bewus dat die gebied van Tauetsola onder 'n munisipaliteit val wat reeds onder vele uitdagings gebuk gaan.

Sy het egter die gemeenskap verseker dat die Regering hard werk om aandag aan die uitdagings te skenk en oplossings daarvoor te vind.

“Ek is bly om te hoor dat die meeste van die nedersettings rondom Tauetsoala elektrisiteit het en dat die Regering sommige mense bystaan om koöperasies te vorm om eiers, toiletpapier, sanitêre doekies en ander produkte te verskaf.

Die LUR vir samewerkende regering, menslike nedersettings en tradisionele sake in Limpopo, Makoma Makhurupetje, sê die departement is daartoe verbind om vroue te bemagtig en dit is duidelik in die behuisingsprojekte wat sedert 1994 aan konstruksiemaatkappye in besit van vroue toegeken is.

“In die vorige en huidige boekjaar het Limpopo 5 900 behuisingsprojekte aan 12 konstruksiemaatkappye in besit van vroue toegeken, wat neerkom op R507 123 551. Ons verbintenis word uitgedruk deur die aantal behuisingsgeleenthede wat ons vir gemeenskappe geskep het. Meer as 3,3 miljoen geleenthede is deur gesubsidieerde behuisingsprogram geskep,” sê Makhurupetje.

BETER BEHUISING

Een begunstigde wat deur die projek 'n huis ontvang het, is Joyce Ramashala (58) van Ga-Hlako in die Mogalakwena-munisipaliteit.

Ramashala en haar gesin het baie gesukkel en vir jare in 'n bouvallige tweeslaapkamerhut gebly. Dit was veral moeilik as dit gereën het.

Toe die adjunkminister Kota-Fredericks en LUR Makhurupetje haar huis besoek het, kon sy nie haar opwinding wegsteek nie.

“Ek het nie woorde nie! Ek is so bly dat ons ons eie plek gaan hê. 'n Huis wat ons waardigheid sal herstel,” het sy gesê.

Nog 'n begunstigde is Catherine Moreana (70), wat in 'n tweevertrekhuis woon wat sy met sewe afhanklikes deel. Die behuisingsprojek het haar lewe en dié van haar familie verander.

** Rirhandzu Nkombyani werk vir die Limpopo Provinsiale Regering.*



> Vervolg van bl. 2

2016 munisipale verkiesing en vir die toekoms,” sê Mashinini.

Selfs al is die eerste kiesersregistrasienaweek verby, is daar nog tyd om te registreer. Stemgeregtigdes wat nog nie geregistreer het nie of hul inligting moet nagaan, kan gedurende kantoorure by hul plaaslike OVK-kantoor aansoek doen om te registreer om 'n spesiale stem uit te bring.

Diegene wat by hul plaaslike OVK-kantoor wil registreer, moet vooraf skakel om 'n afspraak te maak. Dit is omdat hoe nader ons aan stemdag

moet hulle die verkiesingsbeamptes voldoende besonderhede gee van waar hulle woon om te bevestig dat hulle in die korrekte stemdistrik registreer.

WANNEER EN WAAR KAN EK REGISTREER?

Jy kan gedurende kantoorure 'n afspraak maak om te registreer deur die plaaslike OVK-kantoor verantwoordelik vir jou stemdistrik te skakel.

WANNEER MOET EK HERREGISTREER?

Jy moet herregistreer as:

- jou huisadres verander het
- die OVK jou meedeel dat jou kiesafdelinggrense verander het.
- Hoe om te weet of en waar jy geregistreer is**
- Om jou registrasie-inligting na te gaan kan jy:
 - 'n SMS met jou ID-nommer na 32810 (R1,00 per SMS) stuur
 - jou registrasiebesonderhede aanlyn nagaan by www.elections.org.za
 - jou stemlokaal tydens die registrasienaweek (9 tot 10 April 2016) besoek
 - jou plaaslike OVK-kantoor tydens kantoorure skakel.

HOE OM VIR 'N SPESIALE STEM AANSOEK TE DOEN

Met 'n spesiale stem kan 'n geregistreerde kieser, wat nie by die stemlokaal op stemdag kan stem nie, aansoek doen om op 'n voorafbepaalde dag voor stemdag te stem. Nie almal kwalifiseer egter vir 'n spesiale

stem nie. Mense wat vir 'n spesiale stem wil aansoek doen, moet aan die volgende vereistes voldoen:

- geregistreerde kiesers wees
- 'n groen, strepieskode-identiteitsdokument, digitale identiteitskaart of geldige TIS hê (doen aansoek by Binnelandse Sake)
- moet aan die voorwaardes vir die spesifieke tipe verkiesing voldoen.

Jy kan vir 'n spesiale stem aansoek doen as jy nie na jou stemlokaal kan reis nie omdat jy fisiek siek, gestremd of swanger is, of as jy nie by jou stemlokaal op stemdag kan stem nie.

"Hou van" die Verkiesingskommissie op Facebook (IECSouthAfrica) of volg die OVK op Twitter (@IECSouthAfrica) vir die jongste oor die datums van die registrasienaweek.

Vir meer inligting skakel die OVK by 0800 11 8000 met jou verkiesingsnavrae. Die inbelsentrum is van Maandag tot Vrydag, van 7 vm tot 9 nm oop.

WANNEER KAN EK STEM?

Volgens wet kan spesiale stemme slegs uitgebring word op die datum/s wat op die verkiesingsrooster verskyn en geen uitsonderings kan gemaak word nie.

** Bykomende teks van die Onafhanklike Verkiesingskommissie.*

Miljoene besoek stemlokale vir registrasie

Priscilla Khumalo

Meer as driemiljoen potensiële kiesers het stemlokale oor die hele land besoek tydens die onlangse eerste kiesersregistrasienaweek. Van die 3 097 194 besoekers wat stemlokale besoek het, het 692 730 vir die eerste keer geregistreer, 1 086 958 het in verskillende stemdistrikte herregistreer en 1 317 506 het hul registrasie-besonderhede bevestig en bygewerk. Daar was ook groot reaksie van jongmense, met 544 552 onder die ouderdom van 30 wat vir die eerste keer geregistreer het. Nagenoeg 54% van mense wat vir die eerste keer gestem het, was vroue. Hierdie tendens het in al die provinsies voorgekom, behalwe die Noord-Kaap, waar daar 'n 50/50-verdeling tussen mans en vroue was. KwaZulu-Natal en Gauteng het byna die helfte van alle die nuwe registrasies aangeteken, met 24% van nuwe registrasies in KwaZulu-Natal en 22,5% in Gauteng.

Registreeer om te stem!



Plaaslike regering is in jou hande

9 tot 10 April 2016



REPUBLIC OF SOUTH AFRICA

Diepsloot kry nuwe polisiekantoor

Noluthando Mkhize and Edwin Tshivhidzo

Die langverwagte Diepsloot-polisiesiastie, noord van Johannesburg, is uiteindelik geopen wat na verwagting misdaad in die gebied sal hoksla.

Die minister van polisie, Nkosinathi Nhleko, het tydens die amptelike opening van die polisiekantoor 'n beroep op die gemeenskap gedoen om vroue en kinders te beskerm en gebruik te maak van plaaslike polisiëringstrukture om misdaad in hul gebiede te bekamp.

"Ontwikkeling kom wanneer daar vrede is... Gemeenskappe moet self hul veiligheid verseker. Ons moet almal saamwerk in die stryd teen misdaad," het hy gesê.

Die minister het ook 21 nuwe voertuie aan die polisiekantoor oorhandig om misdaad in die gebied te bekamp.

Die Regering het meer as R100 miljoen aan die bou van die polisiekantoor, wat in 2008 begin het, bestee.

Bouwerk het 145 werksgeleenthede vir algemene werkers uit die gemeenskap geskep en 200 jeugdige is opgelei in bouwerkvaardighede deur middel van die Uitgebreide Openbare Werke-program en die Nasionale Jeugdiens.

TER BESKERMING VAN DIEPSLOOT-INWONERS

Die waarnemende nasionale polisiekommissaris, Lt.genl Johannes Phahlane, was ook by die bekendstelling. Hy het gesê 'n goed funksionerende polisiekantoor is belangrik vir enige gemeenskap.

"Die SAPD is verheug oor hierdie nuwe polisiekantoor om die polisie te bemagtig om die mense van Diepsloot meer doeltreffend te beskerm.

"Alle hulpbronne in hierdie polisiekantoor sal korrek en ten volle benut word om misdaad te bestry," het hy gesê.

Luitenant-generaal Phahlane het bygevoeg dat die polisie verantwoordelik aan die mense is wat hulle dien. Hy het die belangrikheid van 'n sterk vennootskap tussen die polisie en die gemeenskap benadruk.

Hy sê Suid-Afrika lok mense uit alle vlakke van die samelewing wat na die stad stroom om hul lewens te verbeter.

"Mense uit ander provinsies, selfs ons buurlande kom na die goudstad, die ekonomiese middelpunt van Afrika."

Soos baie buurgemeenskappe is Diepsloot dig bewoon, wat 'n teelaarde vir misdaad en alkohol- en dwelmmisbruik raak en dikwels met moord, poging tot moord, aanranding en verkragting gepaard gaan. Ek moet benadruk ons gaan streng teen sulke bedrywighede optree."

Hy sê dit is belangrik om teen misdaad, dwelmshandel, korrupsie en misdadigers op te tree.

"Ons gaan en sal voortgaan om streng op te tree teen ons eie lede wat die mag van die polisie vir eie misdaadbelange gebruik. Ons doen 'n beroep op ons gemeenskappe om enige wangedrag aan te meld.

Jonathan Satheke, inwoner van Diepsloot wat die opening van die polisiekantoor bygewoon het, het aan Vuk'uzenzele gesê hy voel veiliger nou dat die polisiekantoor voltooi is.

"Ons is dankbaar vir die nuwe polisiekantoor omdat dit op ons voorstoep is en dit misdadigers sal afskrik," sê hy.

AAN DIE VOORPUNT VAN DIENSLEWERING

Sedert 2014 is die SAPD besig met 'n veldtog om polisiekantore op te knap en te herstruktureer deur die Voorpuntiendiesleweringprogram (VPDP).

"Die VPDP is deur die Regering van stapel gestuur en word deur die Presidensie gedryf om te verseker dat die beginsels van Batho Pele nagekom word en mense eerste gestel word. In terme hiervan, het ons die voorkoms en atmosfeer van ons polisiekantore verbeter en ons lede opgelei om hul gedrag te verbeter wanneer hulle met mense werk wat polisie-kantore besoek of bel," sê Lt.genl Phahlane.

Hy sê voorts die program het ten doel gehad om professionaliteit in die SAPD te verbeter.

"Ons het 'n merkbare verskil gesien. Ons het vordering in die onderskeie VPDP-kantore gemaak wat reeds opgeknop is. Hierdeur het gemeenskapstoeganklikheid verbeter, polisie-dienspunte meer toeganklik geword, verhoudings met belanghebbendes verbeter en gemeenskapsverhoudings versterk."

Volgens die nasionale polisiekommissaris, sal lede van die SAPD wat die gemeenskap



Die minister van polisie, Nkosinathi Nhleko, (bo middel) en waarnemende nasionale polisiehoof, Lt.genl Johannes Phahlane, het die Diepsloot polisiekantoor amptelik geopen.



dien, dissipline, professionaliteit en respek teweegbring.

"Ons moet misdaad uitroei en ons strate terugneem, sodat ons ons kinders, die leiers van môre, in 'n veilige en beter Diepsloot kan

grootmaak. Die minister van openbare werke, Thulas Nxesi, was by die opening. Hy het die gemeenskap aangemoedig om openbare geriewe met verantwoordelikheid te gebruik aangesien dit daar is om hulle te dien.

In die stryd teen misdaad en korrupsie

Dorris Simpson

President Jacob Zuma het maatreëls bekend gestel om misdaad en korrupsie te bekamp.

In sy reaksie op die debat oor die staatsrede het die president gesê die Regering is besig om die wetgewende raamwerk te versterk en gaan voort met ander maatreëls om misdaad en korrupsie te bekamp.

"Die Batebeslagleggingseenheid het oor die afgelope finansiële jaar baie goeie werk verrig," het hy opgemerk.

Die eenheid het 463 gevalle ter waarde van R2 miljard ondersoek asook 342 bevriesingsbevels ter waarde van R2,8 miljard.

"R1,6 miljard is aan die slagoffers van misdaad terugbetaal," sê President Zuma. Dié geld is ná die ondersoek na korrupte aktiwiteite teruggevind.

Die president sê voorts R11 miljoen is teruggevind in gevalle waar staatsamptenare by korrupsie en ander verwante misdrywe betrokke was.

Hy sê die Wysigingswetsontwerp op Beskermde Bekendmakings is verlede jaar in die Nasionale Vergadering ter tafel gelê.

"Die primêre doel is om beskerming aan fluistervinke te bied sodat ons korrupsie meer doeltreffend kan bestry.

"Die Wetsontwerp op die Voorkoming en Bestryding van Korrupte Bedrywighede sal

ook in die Parlement ter tafel gelê word," het president Zuma gesê.

Die wetsontwerp verbeter die toepassing van die Wet op die Voorkoming en Bestryding van Korrupte Bedrywighede ten einde praktiese uitdagings en skuiwergate die hoof te bied.

Nog 'n nuwe wet is die Wet op Kubermisdade en Aanverwante Aangeleenthede, wat in die eerste helfte van 2016 deur die Parlement gevoer gaan word.

Kubermisdade kan gedefinieer word as kriminele aktiwiteite met behulp van rekenaars en die Internet.

VERWIKKELINGS IN DIE SUID-AFRIKAANSE POLISIEDIENS

Steeds by veiligheidskwessies, het die president twee nuwe verwikkelings in die Suid-Afrikaanse Polisie diens aangekondig.

"As deel van die Terug na Basiese Beginselsstrategie, gaan die Ministerie van Polisie spesiale eenhede oprig om dwelms en verwante transnasionale misdade asook geweld en die verspreiding van vuurwapens in ons samelewing die hoof te bied."

Die president sê die twee eenhede is die Suid-Afrikaanse Narkotikatoepassingsburo en die Nasionale Buro vir die Beheer van Onwettige Vuurwapens en Prioriteitgeweldsmisdade.

Die eenhede sal onder die Direktoraat vir Prioriteitsmisdade ondersoek, algemeen bekend as die Valke, val.



Die Regering is ernstig oor die stryd teen misdaad en korrupsie in die land.